

მუნიციპალიტეტებში სტრატეგიული განვითარების გეგმვაზე ერთობლივი სამუშაო ჯგუფები იმუშავებენ

ახალგაზრდა მეცნიერთა კავშირმა „ინტელექტმა“ პროექტის – „ადგილობრივი თვითმმართველობების შესაძლებლობების გაძლიერება გრძელვადიანი მდგრადი განვითარებისათვის აჭარის რეგიონში“ ფარგლებში აჭარის ხუთი მუნიციპალიტეტის წარმომადგენლობით და აღმასრულებელ ორგანოთა ხელმძღვანელებთან ერთად თანამშრომლობის მემორანდუმს გააფორმა, რომელიც განსაზღვრავს აღნიშნული პროექტის ფარგლებში თანამშრომლობის ძირითად პრინციპებს კავშირ „ინტელექტსა“ და პარტნიორ მუნიციპალიტეტებს შორის.

პროექტით გათვალისწინებული ამოცანების წარმატებით შესრულებისათვის მემორანდუმში გათვალისწინებული პუნქტების საფუძველზე ჩამოყალიბდა ერთობლივი სამუშაო ჯგუფები კავშირ „ინტელექტის“ ექსპერტების, სამიზნე მუნიციპალიტეტების საკრებულოებისა და გამგეობების სამსახურების წარმომადგენლების სპეციალისტების მონაწილეობით (სამიზნე მუნიციპალიტეტებმა სამუშაო ჯგუფებში თავიანთი წარმომადგენლები თავად შეარჩიეს).

ერთობლივმა სამუშაო ჯგუფებმა აქტიური მონაწილეობა უნდა მიიღონ მუნიციპალიტეტების სოციალურ-ეკონომიკური განვითარების სტრატეგიული გეგმების, მუნიციპალიტეტების პასპორტებისა და საინვესტიციო პასპორტების შემუშავებაში, აგრეთვე უნდა უზრუნველყონ პროექტით გათვალისწინებული სხვა საქმიანობების წარმართვა სამიზნე მუნიციპალიტეტების თვითმმართველ ორგანოებთან ერთად და პროექტის ამოცანებთან დაკავშირებული ყველა საკითხი შეათანხმონ საკრებულოსა და გამგეობის სტრუქტურებთან და „ინტელექტის“ გამგეობასთან.

ხულოს, შუახევის, ქედის, ხელვაჩაურისა და ქობულეთის მუნიციპალიტეტებში სულ ჩამოყალიბდა ხუთი ერთობლივი სამუშაო ჯგუფი. თითოეული ჯგუფი შედგება ექვსი წევრისგან: ორ-ორი წამყვანი სპეციალისტი გამგეობებიდან და საკრებულოებიდან და ორი ექსპერტი კავშირ „ინტელექტიდან“ (გარდა ქედის მუნიციპალიტეტისა, სადაც რვა წევრი იქნება, რადგან გამგეობამ და საკრებულომ სურვილი გამოთქვეს, ერთობლივ სამუშაო ჯგუფში სამ-სამი წარმომადგენელი მყოფიყოს).

ყველა მუნიციპალიტეტში მოქმედებს სამუშაო ჯგუფებმა კონკრეტული საქმიანობები წევრებს შორის კომპეტენციებისა და შესაძლებლობების მიხედვით გადაანაწილეს. უკვე შემუშავებულია ერთობლივი სამოქმედო გეგმა, რომლის საფუძველზეც მათი შეხვედრები აქტიურად მიმდინარეობს ყველა მუნიციპალიტეტში. მუნიციპალიტეტებთან პროექტის



თამაზ ლორიძე



მერაბ ჯინჭარაძე

კოალიციურად განხორციელების საკითხი სამუშაო ჯგუფის წევრებმა შეფასეს:

მერაბ ჯინჭარაძე, ქობულეთის მუნიციპალიტეტის გამგეობის ადმინისტრაციული სამსახურის უფროსი: „არასამთავრობო ორგანიზაცია ახალგაზრდა მეცნიერთა კავშირ „ინტელექტთან“ თანამშრომლობის დიდი გამოცდილება გვაქვს და ვფიქრობ, ერთობლივად ვერ ვხედავდით პრობლემებს, გარე თვალთი კი პრობლემები უფრო ნათლად ჩანს. მე პირადად ერთობლივი სამუშაო ჯგუფის წევრი ვარ და ვაპირებ აქტიური მონაწილეობა მივიღო პროექტის განხორციელებაში“.

ერთობლივი სამუშაო ჯგუფის

წევრია ხელვაჩაურის საკრებულოს საფინანსო, საბიუჯეტო და ეკონომიკურ საკითხთა კომისიის თავმჯდომარე თამაზ ლორთქიფანიძეც. მისი თქმით „ინტელექტის“ წამოწყება დროულია, რადგან ადრე თუ გვიან უნდა შემუშავებულიყო მუნიციპალიტეტის განვითარების სტრატეგიული გეგმა, საინვესტიციო პასპორტი და მუნიციპალიტეტის პასპორტი. პროექტის განხორციელებას დიდი მნიშვნელობა აქვს მუნიციპალიტეტისათვის, მსგავსი პროექტი საქორთა არა მარტო აჭარის რეგიონისთვის, არამედ მთელი საქართველოსთვის. მნიშვნელოვანია ის ფაქტიც, რომ პროექტში გამგეობისა და საკრებულოს ქვედანაყოფები ერთ ჩართული და ერთობლივად ვაკეთებთ სტრატეგიული განვითარების გეგმებს. როცა ინვესტორი შემოდის და ექვს მისთვის საინტერესო ინფორმაციას და მას ხედავს წინასწარ გამზადებული სტრატეგიული განვითარების გეგმა, საინ-

ვესტიციო პასპორტი უკვე წინგადადგმული ნაბიჯია.

რაც შეეხება სტრატეგიული გეგმის განხორციელებას, ვფიქრობ, უტაპობრივად შესაძლებელია. ამ დროისთვის მთავარია წინაგინით თუნდაც ერთი ნაბიჯი. მე ჩემი კომპეტენციის ფარგლებში გვერდში დავუდგები ერთობლივ სამუშაო ჯგუფს“.

ერთობლივი სამუშაო ჯგუფების წარმომადგენლები

ხულოს მუნიციპალიტეტის:
ეზარ აბულაძე, ხულოს მუნიციპალიტეტის საკრებულოს საფინანსო-საბიუჯეტო და ეკონომიკურ საკითხთა კომისიის თავმჯდომარე;
ირაკლი ჯორჯენაძე, ხულოს მუნიციპალიტეტის საკრებულოს აპარატის უფროსი;
გივი ქველიძე, ხულოს მუნიციპალიტეტის გამგეობის მოადგილე;
ნოდარ კოჩიალიძე, ხულოს მუნიციპალიტეტის გამგეობის საქმისწარმოების განყოფილების უფროსი.

შუახევის მუნიციპალიტეტის:
ომარ აბუსელიძე, შუახევის საკრებულოს აპარატის უფროსი;
მირიან აბაშიძე, შუახევის საკრებულოს აპარატის მთავარი სპეციალისტი-უფროსი;
ველიმერ აბაშიძე, შუახევის მუნიციპალიტეტის გამგეობის ოფრადიო და საკადრო საკითხთა განყოფილების უფროსი;
ჯემალ აბალიშვილი, შუახევის მუნიციპალიტეტის გამგეობის ეკონომიკისა და ინფრასტრუქტურის განვითარების სამსახურის მთავარი სპეციალისტი ეკონომიკური დაგეგმარების საკითხებში.

ქედის მუნიციპალიტეტის:
მამუკა დისაძიძე, ქედის მუნიციპალიტეტის საკრებულოს აპარატის უფროსი;

მირენა შერვაშიძე, ქედის მუნიციპალიტეტის საკრებულოს ოფრადიო და საპროცედურული საკითხთა კომისიის თავმჯდომარე;

შოთა ბერიძე, ქედის მუნიციპალიტეტის საკრებულოს საფინანსო-საბიუჯეტო და ეკონომიკურ საკითხთა კომისიის თავმჯდომარე;

ჯემალ ტაყიძე, ქედის მუნიციპალიტეტის გამგეობის საფინანსო სამსახურის ბიუჯეტის დაგეგმვისა და ფორმირების განყოფილების უფროსი;

სულიკო ბოლქვაძე, ქედის მუნიციპალიტეტის გამგეობის ეკონომიკისა და ინფრასტრუქტურის სამსახურის უფროსი;

ჯემალ ბერძენიძე, ქედის მუნიციპალიტეტის გამგეობის ადმინისტრაციული სამსახურის უფროსი.

ხელვაჩაურის მუნიციპალიტეტის:
თამაზ ლორთქიფანიძე, ხელვაჩაურის საკრებულოს საფინანსო-საბიუჯეტო და ეკონომიკურ საკითხთა კომისიის თავმჯდომარე;

დავით კობინაძე, ხელვაჩაურის მუნიციპალიტეტის საკრებულოს თავმჯდომარის თანამშრომელი;

ენერ ასამაძე, ხელვაჩაურის მუნიციპალიტეტის გამგეობის ინფრასტრუქტურის სამსახურის ტექნიკური ზედამხედველობის სამსახურის უფროსი;

მერაბ გვიანიძე, ხელვაჩაურის მუნიციპალიტეტის გამგეობის საფინანსო-ეკონომიკური სამსახურის, ბიუჯეტის განყოფილების უფროსი.

ქობულეთის მუნიციპალიტეტის:
სულხან მონყოზილი, ქობულეთის მუნიციპალიტეტის საკრებულოს აპარატის უფროსი;

მერაბ ცინცაძე, ქობულეთის მუნიციპალიტეტის საკრებულოს თავმჯდომარის თანამშრომელი;

მერაბ ჯინჭარაძე, ქობულეთის მუნიციპალიტეტის გამგეობის ადმინისტრაციული სამსახურის უფროსი;

ავთანდილ რომანაძე, ქობულეთის მუნიციპალიტეტის გამგეობის საქმისწარმოების განყოფილების უფროსი.

